

四庫全書

集部

欽定四庫全書

集部

東牟集卷一

詳校官左中允_臣塘五珠

主事_臣呂雲棟覆勘

謄錄監生_臣范維成

欽定四庫全書

集部四

提要

東牟集十四卷

別集類三 宋

臣等謹案東牟集十四卷宋王洋撰洋字元渤山陽人以省試第二名中宣和六年甲科紹興初累官起居舍人知制誥直徽猷閣歷典三郡其事蹟不見於宋史惟周必大所作集序畧紀其行履大槩嘉定山陽志中有洋

小傳亦皆采必大序中語不能有所增益今
考韓澆澗泉日記稱洋在信州城居有荷花
水木之趣因號王南池闢宴坐一室號半僧
寮清貧衣服窳甚善詩篇云云江西通志亦
稱洋僑寓上饒與曾幾相唱和以二書所載
與集序參考之蓋亦南渡之清流也集為其
子昌祖所編宋史藝文志列其目為二十九
卷而必大原序實作三十卷則宋史為誤自

明以來世罕傳本選錄宋詩者多未之及獨
永樂大典各韻中散見頗多謹採掇編訂得
古今體詩七百首雜文三百五十餘首其詩
極意鏤刻徃徃兀杲自喜頗不為邊幅所拘
文章以溫雅見長所撰內外制詞尤有典則
蓋洋生當北宋之季猶及覩前輩典刑故其
所作雖未能上追古人而蟬蛻於流俗之中
則翛然遠矣洪邁容齋三筆載洋題餘干縣

琵琶洲詩云塞外風烟能記否天涯淪落自
心知眼中風物參差是只欠江州司馬詩當
時稱為佳句而永樂大典內已佚不收又澗
泉日記極賞洋為李彭元所作養源齋記檢
永樂大典亦無此篇則其他殘缺者當復不
少今姑就其尚存者分類排纂析為十四卷
以著其概其周必大序亦仍冠之於首云乾
隆四十六年九月恭校上

總纂官臣紀昀臣陸錫熊臣孫士毅

總校官臣陸費墀

金定四庫全書

提要

周必大原序

文章以學為車以氣為馭車不攻積中固敗矣氣不盛
吾何以行之哉東牟王公之文吾能言之以六經為美
材以子史為英華旁取騷人墨客之辭潤澤之猶以為
未也挾之以剛大之氣行之乎忠信之塗仕可屈身不
可屈食可餒道不可餒如是者積有年浩浩乎胸中滔
滔乎筆端矣賦大禮則麗而法傳死節則贍而勁銘記
則高古粹美奏議則切直忠厚至於感今懷昔登高望

遠憂思愉佚摹寫戲笑一皆寓之於詩大篇短章充溢箱篋嗣子易祖懼夫散軼而無傳也釐為三十卷屬某為之序昔葉少蘊嘗問公劉貢父精於史漢以其謂杜詩功曹非復漢蕭何為誤用事信乎公曰高紀蕭何為主計更孟康注功曹也王定國猶知之詩史豈誤哉少蘊嘆服公之於學可謂不苟矣官太學時實代秦丞相而直道正辭亦擯弗用晚守鄱陽洪忠宣適獲罪於秦無敢過其居者公獨修舍葢故事坐是罷郡方勢利之門大開既不

闖焉又從而徧之其氣何如哉故因論文章淵源而以
二事實之庶幾來者有考焉公諱洋字元渤宣和末登
甲科紹興初以右史贊善嘗命直徽猷閣歷典三郡所
至有異等效云淳熙元年十月一日

欽定四庫全書

原序

欽定四庫全書

東牟集卷一

宋 王洋 撰

賦

擬進南郊大禮慶成賦

并序

某伏覩紹興某年某月某日赦書頒下郡縣冬至已行
南郊禮成惟斯盛禮缺墜未講有年於茲矣某竊慕古
人覩時盛事必有文章紀叙輒述實用注於當年禮文
因草有所稽證此文之所以有助於治者也某不自量

度輒因盛禮之舉為南郊慶成賦亦庶幾萬世之後思
見今日禮儀制度之數典祀克舉之由達於有司典章
之外或有攷焉其辭曰皇帝踐阼十有七載遐邇既洽
神人用和爰以中冬癸丑朔越七日庚申有事於圜丘
始復古也皇帝若曰恭我祖考肇造區夏有衆一旅四
征弗庭日不暇給然猶奠玉祀帝彝倫靡缺克禋克祀
上帝盡歆以敷佑於萬邦是用寢明寢昌奄有方夏肆
予冲人嗣位適我家之艱難匪遽豆稯厥升降是肆而

千戚旄羽斯習惟文惟武更為污隆典缺弗備理亦固
宜今者上天降休華夏以輯紹我洪烈斯惟其時重念
魯人將有事於上帝必先有事於類宮齊人將有事於
泰山必有事於配林三代之禮小大由之有唐祀事亦
先太清告於祖考配天以明固惟秩叙如階之升乃先
期三日齋於原寢翌日享于太廟又翌日宿于郊宮大
禮以秩縉典咸具於是羅千乘列萬騎被袞衣鳴玉佩
和鸞旗常纚纚曳曳達於清廟祇見祖考升降堂階與

肅靚深文母后妃實妾實嬪金石絲竹縵絢畢陳其鬯
則相櫛香鬱芬芬葱蔥琛爵璧角犧象禪勺山彝泰著
疏畫繆冪其鼎俎之薦則牛脩豕廩駕釀穀梅蒸鱖燒
雛辟雞宛脾其籩豆之實則芝榴菠棋棗栗柰柢昌歆
乾祿爵鷄蜩范九州之腴靡不殫獻爾乃循於江干登
夫太壇豐隆吐曜霜妃接道批巖踰波澈洌滂淠鯁鱗
鰓鰭鮐鰒鰭龍踴躍訇礚砰磅泌澗爭馳競騖旁盪捷
出於時勾陳載營羽衛悉備梢夔魑扶獠狂飛蒙茸走

陸梁紫虎駢羅照祭成章乘輿於是駟蒼螭六素蚪軼
倒景騰清浮凌高衍轢紆譎乃次於園丘齋心服形嚴恭
寅畏道洽於漠神合於氣淡然無為若與神會嚴漏未
既牽牛將中汾沴霍散瑞華景從繽紛飄肅協於時豐
於是禮修告於宗伯播鼓作於瞽矇灑離鼓應鶩笙和
沂巢剽棧筴篴籥徒吹歌兮修褰籩料塤箎六變具奏
天神可禮天錫皇帝惟予男子雜選豐穰挺煽晦晰燔
燎斯升高靈畢從煥燐嫗姬喋峨濛鴻條紳緒練馬車

雲風熙事既成退即小次肅旄旗轟嚴隊鞞鼓奮猛士
厲熊羆弭耳虎豹跳虛鰐鯨鯨微噤痒睂眄周衛轆轤
重數間暇霜女江妃紛綸曉靄遐夷遠俗駢蹈聞呵乃
御端門乃赦天下寬縲舒棘寵恩厚錫韞胞翟閭各遂
乃職盛禮將畢天子乃穆然而思若曰天造我家今三
甲子兢兢守位何千萬禩惟茲歲事符於草昧艱勤底
今取泰於否上帝降休丕隲汝衆匪予敢思與爾共之
於是輔弼元臣執爵而進曰皇天無親饗於克誠當去

否之運崇再熙之明非至仁無以守位非至誠無以格
神陛下攬衆美而弗有是以孜孜亶亶以底於今日之
寧也屏宴遊絕田獵以藝文為圃囿以書禮為机縻孝
悌達於神明精誠熙乎日月相昔王之兢業以今視之
或未齒於毫髮也且宮室至卑膳御至菲雖大禹之飯
土啜啜土鉶不過是也時止則止時行則行雖文王之
遵養時晦武王之久立于綴無以更也施蛻靡雲豕麇
兕絕侵淫儵賈徘徊從節相如夸校獵之盛缺矣石闕

封巒宣曲細柳鳩鵲露寒宜春牛首漢武示別館之富
陋矣明四目以達視所欲見者民俗也矧櫟櫨枰櫨欂
檀枿櫨之木足經於目乎達四聰以廣聽所欲聞者民
情也矧侏儒操雜哇淫繁促之聲足惑於聽乎味不求
珍美不求異故醵醢粉澠熬母鄉極之味不足貴也筦
簞越席弋綈大練故雕文纂組方空罽綺之靡不足美
也惟聖時造蹈艱履巖匪剛匪柔貴乎沉幾高明沈潛
執事之機用能益履而取剝即安而去危彼蠢蠢者安

能知之帝乃却扇就輦朝於東堂載見文母鼓鐘煌煌
大姒是似左右奉璋申錫純嘏萬壽無疆

五言古詩

春陰即事

春風雖輕颺摧折猶有補適當穠華時明知不須雨浴
蠶待桑錢插禾候陽土婦子三時勤亦欲少歌舞百草
仰膏腴少俟亦無苦如何屯寒雲專翳扶桑吐事多不
由人十可八九數不若姑置之吾非拾翠侶

春苦風雨

東君始造家積累亦不細一從潛陽興黃鍾本根蒂二
十四信風以有此紅翠如何縱飄敗不作苞桑計風雨
不令子豪猛但適意萬紫雜千紅用供一日費一日費
尚可矜侈不少置豈惟困芳菲桑麻亦憔悴溝塍浮新
秧蕩搖失生意無乃大傷和行敗乃翁事願言期少安
百物思吐氣吾不若訟讒唯圖保終歲

七月八日小雨

萬景就槁死一涼送生意問誰犯炎威用事得屏翳始
自長夏來龍骨嘔四裔平原暴槁乾生火自焚燧藉令
翻長河不給野老淚祝融固有逞軒軒抱餘恚商飈欲
小展不費一矢遺人謀略殫窮乃作鬼事計此邦嚴百
神奉事罔失墜惡衣不掩脛致美盡一祭有嚴者貴神
父老誦明記適當牛女期懸弧值嘉瑞不知誰相傳轟
然動天地走書集房祀刻日共高會俄然駕雲駢各以
偉像至原野照旌旗閭閻便鼓吹鞠躬傾顏色大房薦

籩哉恍惚動百靈相傳亦汪濊今朝響雲車風馬繼飄
駛意挾大江神傾輸作霧霈日影弄廉纖簷馬鳴細碎
涓涓乍伶俜赫赫復昌熾神乎享已豐何乃靳小施婦
怒罵少年汝定事遊戲汝牲汝自甘汝酒汝既醉我疑
神吐之禍汝不少貫得免已可憐尚敢望嘉惠嗟我偶
投身枵腹俟豐歲感此意悽然中旦不成寐紀見成小
詩豈謂非吾事

十一月二十九夜大風明起書室皆敗葉

木老性倔彊朔風怒明威初更即合戰已乃聲鼓輦大
塊信難測三鼓氣不衰我屋山僧居破陋久不治會當
晴明日仰見河漢移微風鼓橐籥虛空同奔馳夜無笑
容人恍惚疑褰帷平明滿書齋敗葉方紛披孰為呼吸
者作此怒張為天寒不成雪恐坐彊風師撲塵整書架
糞揭不可遲人非陳仲舉用舍亦有宜

舟宿南尉岸下夜夕不寐思丁老小山戲成長

韻

積少自成多一元陶萬類破大可作小壺中有天地果
謂真無窮百慮同一致若曰一毫芒萬里鵬垂翅變化
無定形古今俱幻事老丁習真觀幻事亦不棄輸財買
幻人放意窮幻智發屋仰偷天鑿泉下汲遂恍惚幻峰
巒共疑無足至妻兒固俱賢未免慮憔悴拒諫設科條
縱語終莫遂相顧色慘怛但未垂怨淚老丁恐敗事往
往陽怒恚共知無奈何奇計亦多祕託言有鬼神疾病
果作祟要盟質諸天庶得捐驚悸老丁如不聞嬉笑無

畏忌起語家人言常數不可避吾老嗜奔湍且可幻吾
戲戰敗豈吾過時有利不利子無徒面從背我乃竊議
我意終不移畢命乃殊嗜吾聞利有幅盈舒如在器老
丁自治產費金亦其意得侯既自我失侯亦何媿萬事
懷中寬目前同一醉更須稍進功有為俱有累一靜勝
百為壯士屈伸臂

陪徐狄二子出東郊即事

與君同酸苦思得一散愁散愁何所適共作郭外遊是

時窮冬節寒威未肯收茫茫一望間豐瑞彌阡疇老農
挾雉子嬉戲尋朋儔問之向人語明年報有秋淮南塵
土地高原少車溝夏苗率畏旱冬雪苦不優若呈盈尺
白卒歲無所憂常聞爭戰後天意不自由人心結恨憤
陰陽不旋流皇天佑邦家予賚徧九州將欲掃凶醜先
為除凶蟲況此甸服內大駕方豫游賜之倉箱實始應
政事修所以田野間老農獲歌謳愁中聞此語悅如去
置罍未諳鼎饋食亦宜保乾餽回頭顧二子不用自拘

因往來茅舍酒三酌更獻酬
枯腸得滑潤一笑散孤幽
放懷了無悶萬事皆悠悠
晚歸足益健自喜筋力柔
歸見城中人揣我將何求

十月十七日雨霽復至仙隱

秋雨間十日緬懷秋山空
煙霞固舊態敗葉鋪山紅
平生五大夫投老一秃翁
相看各蕭索事付不語中
二輪固代謝四序彌初終
義霜素慘烈溫律復冲融
相期保歲寒木末回春風

安成令以長橋圖來且示王民瞻記喜其有成

因成短章

楚人問晉勇答曰好以暇後人或疑之鍼也其說駕吾
意政之餘觀此得用舍晉士儻不然安能一戰霸韓君
令安成不待朞月化始如逆走丸卒若快啖蔗為政行
辟人修梁插飛架異時常病涉舉邑僉矜詫王子吐琳
瑯文章助光價綠波凝暮朝皓月迷清夜誰云困兵革
不可事耕稼聊書以記之來者可憑藉

寄題安福鳳林橋

二年廬陵城不踏安成野但聞古侯封沃壤富書社剽
煩或容容書考乃下下韓君令安成政事飾儒雅攷實
見功多程勞用力寡邑南橫長溪春流夏湍瀉輿梁久
弗支冬涉猶病髀韓君一咄嗟民力競輸寫脩梁插晴
空野色集平瓦問君胡能然一錢不入把因民乃利民
胡往弗寬假十年旌旗中未得洗兵馬羽書固所先民
簿乃付且誰知安成令從政識用舍目前縱奔馳心事

日蕭灑薛宣好男兒正可上醇宰吾雖不預觀書以告來者

真意堂

紫此詩從上饒志抄出原本云故刑部郎中徐兢明叔所居兢善書畫人物蕭

灑乃後唐騎省都尉鉉之後有園在弋陽縣

一室空掃愁三間良足用積錢寬買園此事不敢夢弋陽千萬家比屋接脩棟相期生在勤意象不少縱饑字參不致竟日自倥傯設有花木山僅作一身供徐翁初來時赤子不取重徐徐汲壑谷輓轡轉雙甕耒荊棘

開改化溪山動千年五柳陶慕用常接踵徐翁但神會
疎跡不勘縫七絃已可忘五柳不待種見山若舉頭孤
鴈亦須送

絃歌堂

曹務日以渾令君心自清散彼愁歎氣化作懽愉聲懽
愉何所寄寄此絃歌鳴歌如珠纍纍絃以桐鏗鏗顧此
三尺匣中有萬古情大絃含春溫亦甲隨勾萌小絃羽
雖細一奏壯士驚次第徵角招向日葵心傾商以表節

義皎皎秋霜明歛之五音全昭氏無虧成鼓之播萬物
草木同敷榮令君保此器常得心和平知君本抱道巖
壑依雲耕斲粟朝不飽強起從簪纓素琴常在御朝陽
鳴簫笙蕭然古槐下時乎一再行亭午百吏散永日垂
簾旌舟車自衝會我道無將迎筆役眩朱墨愴悌消紛
爭誅求絕敲榜升合均斲嬰和風動千室暖律鳴嚶嚶
坐令今上饒乃類古武城問君何能爾但守一字誠吾
聞古良吏惠養先孤嫠不聞棠陰中高燈照長檠大雅

有夷路小鮮無急烹令君實儒素不肯尊錢兄吾心如
平田衍樂物自生勿言桐鄉陋子孫傳令名勿言百里
狹列宿符郎星願君守此志終始不變更豈惟人道順
可與神理并辱君示琬琰報德匪瑤瓊他年挾薰風期
君拂天張

畫列子圖和韻

稻梁戒鳴啄饋粟辭子陽神明久不死宇宙一鳥翔若
人據槁梧中自含宮商其游車冷風其息形坐忘豆山

瀛洲等念往即褰裳益云任去來豈謂符弛張老商顧
之笑是事何輕揚雲風駕旬餘日月輶兩傍拊掌一戲
笑何異侏儒場後人致引慕竹林焚馨香飄飄大人賦
氣奪千丈強吾聞孔仲尼道盛涵化光雅言盡常理不
見一日長放乎子列子君其樂徜徉

謝葉秀才惠書自言能書大字來書作小字甚

工

大字韋將軍小字徐開府惠我數百言字字了今古江

山得何助文采乃如許莫羞無稻梁鴻飛自高舉

紹興庚申解官廬陵留別歐陽隱士

梅雨翳江浦我來初識君俯仰寒暑移幾親芝蘭羣芝
蘭本何心悠然蕩清芬不妨識度高解使靜躁分我從
困飄泊朋從少知聞投足自失所造化本無垠妻兒憚
遠寓豈復辨蕪薰顧惟鄙野性樂此川原尊時觀前古
俗家傳付兒孫常疑百年餘下流名尚存慚非撥煩手
未能解紛紜虛懷飽暖戀有媿民吏勤無乃同鄉夫或

可羣後昆脫身亦由人孤翥隨騰騫豈不快宿願誰能
困籠樊他年方外士相期同策勲

送章季萬戶部

吳人不授館楚人不分田此身天地間泛若不繫船憶
昨罷吏役白鷗同一川欲乘萬里風短翼無黃緣使君
雷宇大下庇千萬賢鷄鳴度關客亦到尊俎前賤子忝
風分今已三四傳嘗許策蹇步十駕困屢鞭公文如摘
華公筆如修椽筆端色五采密補造化權浮沉既異路

會合真可憐我無三徑地直欲參四禪後會寬作程望
舒圓復圓他年亦松子問訊玉堂仙

同劉仲忱舍人先生鄭武子餞伯氏賦兩篇得

聖歡二韻

紫歡字韻一
首見七古

客行仍別離此恨亦已更去語已莫留來愁不須聘七
閩何貪賢四海方仰聖班驛是歸塗頻宜發新詠

鄭丈灼灸戲成

丈人國元龜千古祕清廟側聞扈聖初彤庭獻喜兆從

此氛霧開屢錫休瑞報珪璋厭紛華江湖樂豐好一冠
脫孟勞十年泛靈沼近聞出清江仗節觸丞罩漁者有
豫且橫梁截隈輿如何抱神智失脚困泥淖倉皇見夢
祈修門極悲叫櫝藏得玄夫光價逾納却再拜爭乞靈
灼鐵具熬焦火攻固下策奈此集衆譟低頭謝羣工脫
身圖後效此戲亦太雲臍腹困然膏切勿再三瀆瀆亦
不汝告舍爾觀朶頤從吾襲高蹈

聞劉行簡給事休致作詩寄之

郡下一卷書云自郵籤來剥啄驚晝眠柴門手自開上
有驪珠光照耀分塵埃讀之未盡行喜歛生寒灰黃門
白首郎上疏稱乞骸帝曰大布衣錫汝陞文階天孫鈇
錄祕論撰須儒魁榮名不汝遺汝往時欽哉夕即拜帝
命雪涕何紛淮恩許歸舊廬徑卧南山齋此翁山澤仙
不賦章綬材誤因文彩露遂落天網恢一游三十年所
得非不諧文名動青瑣筆力幽黃能左省豈不榮珠庭
重徘徊巢父一掉頭百挽終不回吾意天地間清風有

根栽人心感披拂達者分條枚二疏楊巨源同上百尺
臺劉翁傳其風蒼舒次隕斂沉復祖子孫此道同胚胎
前劉脫功名養氣如嬰孩至今一箭詩諷詠及陪臺翁
今亦何有曠達忘悲哀清風既不死翦大無恥壘歲晚
春物動吳山發寒梅願翁強賦之為花吐瓊瑰牀頭拂
易傳牀下鳴新酷它時三徑邊為翁剪蒿萊

我有一隻眼贈徐氏倣老徐體僕近與思遠賡
和頗自言老有拒徐出游意恐以僕為真老也

故有此作

我有一雙眼光可照明燭我有一寸腸時復漱醺醪我
有兩垂鬢與君相映綠我有一雙脚比君非不足眼能
別妍醜腸不慮榮辱鬢鬢每自憐足力能相逐一一將
比君未便遽慙恧胡為被君輕汙田對寒玉君如邀我
遊我亦知所以朝出任意游暮歸同倒屣況此郊野間
遠近在一視東抵東家田繞溪六七里北向關外行五
里見淮水我家園在西鳴泉到清耳南郊野叟村慙慙

種桃李大抵浩蕩處瀟灑異城市春雲乍為錦餘霞忽
成綺興來思暫息極目無涯涘兩眼極恣橫性情始歡
喜歸來看君詩陳饋鋪八簋羅列水陸珍咀啖盡日美
我亦強自吟合處粗相似醉時所經歷醉後詩在紙連
粘動成卷持行不羞恥以此不畏君請君亮肝肺晴來
擬出游喚我為君起

還自伊山過金城宿覺慧寺贈始寧禪師

家山三百里處處逐流水舟行鑒影中塵埃不須洗人

言田間苦我言田舍好濁醪三兩杯沈憂積如掃昨與
田父言別白皆有證丈夫幸聽之物物保性命歸來過
山僧僧始見客喜試與語難難不貪亦不止我徐覺言
煩迺靜觀厥理僧言禍與福皆其自取爾吾師有明言
報應有彼是所作既不同所遭亦如此君言君自憶我
初不到耳及君受報時何用之吾事去年梁宋災載屍
滿城市今年江淮南困窳有餘米善惡無兩岐未流見
殊致君後起念時覺此而已矣再拜謝高僧師言誠有

味解榻借僧稠不覺已鼾鼻展轉未厭眠鷄鳴喚客起

贈穎師

昔有二大士比跡相差池一隱廬老堂一作貧舍兒任
緣本無意音韻偶追隨高唱既絕詣豹隱那得窺穎公
實靜者妙賞心自知以此墨守慮遠繼白雪詞首叙同
契語生死一推移未祛唱酬跡風月非所私中間任
遊戲不假永篇題自此探骨髓杜蘭雜香蘿翻思前作
者往往求其皮彼非不論量泛浪忽深思但取偶世語

高調終莫追
頴公整襟量
峭聳乘嶽危
冥搜尚論古
快
警耳目疑不從
禪寂縛此道
信權奇

曾畝父約遊南巖短韻奉呈

南豐不藏善逢人
說南巖南巖亦何好
造物秘此絨煙
雲態全異松竹色
半酣去國十里羸
守戍僧二三乞身
滿一日幽事亦可
探行客問征途
居者縈轡銜蕭條
野店煙爇靜彌勒
龕念非塵外侶
誰分禪味甘受傭
作閒人自縛亦可
慙于時日在房山
色染靄藍一徑盤
鬱青

羣峯列空嵌吟泉計涓滴淪鼎消塵凡端如常德靜可
警疾步貪揚鑣出雲門回首憐煙嵐公其吐妙語勝事
須指南

食鱠

生長江湖中厭食水中珍從得脫死來頗見鄉味親
每食無不飽敢歎蔬茹貧老妻生過計為我鱠鮮鱗
釘餌盤箸間玉縷鋪繽紛不知驚憂後腸胃久不
伸瘡餘病尚在欲飫嫌羶腥所以縱對此凜如見

嚴賓由知飲啄緣豐儉各有因所饗苟無分對面難
需脣可歎賦分薄一炙亦艱辛在近猶參商其大應
吳秦歲事已轉轂園葵行獻新勿擬春蔬薄春蔬久
向人

曾鉉父將赴浮光九日無酒賦二詩次韻

經營戒奔忙高士乃貴嬾不然繫匏瓜何異列檣散若
人落閒社旁觀助煩惋況聞上方札天子恨見晚朝廷
錄故舊士女重嗟遠父母謝使君相看猶故眼

金少卿集卷一
中虛臥北牕歲月驚兔脫側目一愁胡已寒不須潑吾
聞金鼎象次第有本末千里尚疏封五漿何用設它年
激沱江大掾相如渴丈夫屬有念行行勿騷屑

和曾吉父飲南坡四詩

買山如買金去草如去惡開山一代師前者無是作向
無邱壑心雖有亦不樂何須待高秋風帽已可落

寒暑有至公物物無避處岑堯半天中乃截雲雨路炎
薰障南林清風來北戶幽事未可量如君美無度

若無敗人意何適非好懷飛輪了無轍為作明鏡臺有
酒不共飲定知何日開魚鳥亦知意門前日日來

終年困塵土一日同宴嬉詩價重車渠酒色空琉璃月
出散林莽攬之有餘輝山林信可樂所樂無四時況渠
善窈窕與我昏為期會須挽凌波同載月明歸

秀實行邑回寄示佳章次韻

皇皇宇宙間快意本何限有如抱畦畛相對不見面汝
南箕穎士白首仕州縣偶來江西遊溪山副良願口誦

陶令章手持古書卷老氣益健敏落筆增精綯尚願姑置之有人圖自獻

秀實監丞時惠佳章逋債稍多今因休暇再報一章當時同遊已踰三月輒泛語以謝

人生萍梗蹤端若邂逅期奈何人常言會合信有時鄙人初謁郡故事科童兒竹馬豈其情驩笑亦強隨豈緣特達賢惜此駕鈍姿乃信非偶然三葉親華枝此老輩行高心事故崛竒逃禪昔蘓晉辭榮今介推十年守一

官不樂亦不悲獨設詩中禪健勇了未衰談空不可攀
且報今年詩

秀實再以前韻寵惠佳篇謹再次元韻

名利世所重焦爛以為期出處不自由語默多因時陳
侯有餘佞又以傳其兒蘓秦掉頰舌代厲俱詭隨此風
幾百年尚作柔佞姿武子銜富豪擊碎珊瑚枝褒姒出
巧譖歸放加伯奇茫茫天宇間窮達不可推不須謀快
樂亦勿生愁悲但看憂樂人往往心神衰長年飽喫飯

此事前賢詩

次韵劉希顏李泰發龍井壽聖請獻辨才詩

古人重好古今人徒賞今賞今拘近俗何以勞寸心昔
者臞面仙分符此來臨邦君舍華軒老人獨散襟從容
塵領間消息禪慮深道人本絕俗猗蘭故相尋風流右
將軍寂寞支道林泉石誠膏肓此病難與箴餅盂飽粥
飯中艷替裳簪萬家辭近市寸碧依遙岑邇來四十年
何人發孤吟亦有好事者杖藜訪層陰鵝溪喚畫像

金薤鏘瑤林賞遇既落落風神見森森此道果有繼不
憂風雨侵誰言殊緇俗二士鄴興欽

次韻辛起李長篇

十年爪牙官百世傳風流每思先賢範爛漫涕不收爭
奪世界中蕭灑自十洲辛使東洲望翹材錯薪樵干戈
一相尋賢愚自相仇六鰲失所負羣賢困道周人如辛
使者往往官屢休用舍方坎壈身世同蜉蝣但聞公卿
間飽誦才業優爵祿縱可辭歲月那得媮向來成名時

石室書盍紬奈何俯仰中窘路拘驂騑嘶鳴合亨塗飄
泊仍海陬嗟予才每下粗能別薰蕕識面苦不早論交
亦何尤長裾曳非難驚棹驚莫留既懷難會戀那無輕
去愁方今草寇猖健兒炊矛頭金盤集衛霍藜糝甘軻
邱不知到死處真得飽煖不行當捫牽牛快願同桴浮

次韻酬尹少稷

尹子於為文跳弄同戲劇舉頭髮天藏俛首取地蟄誰
謂熱洛河可使當劉秩揮毫射虎豹引手唾決拾馭風

千里空命的一箭疾吾意召雷霆已下六丁敕置之西
崑山歌樂華胥國遂令長吟哦姓名注瑤籍置之風露
場不飲亦不食鸞鶴迎玉簫雲漢配靈匹雄辭水翻瓴
壯勢虎挾乙剪裁霜月明窺探化工密少留千首詩聊
示萬人敵不然薦清廟三歎奉寥閒未驚鄒海濤已過
髡轂炙竊料充選拔數塗當處一恐緣奉高堂新芼事
朝夕且安顏氏瓢未縱參軍逸我意似子才終難守環
壁

次韻李叔飛

溪山春蘭林桃李花槐市戲友二三生興來遠返趾墨
客冠再彈蒼官仕三已矜豪柳索強引分梅知止綠芳
草齊亞粉面花襯綺慶煖具杯觴送寒操杖几態度畧
不齊將妍俱可喜人心獨當然造物聊戲耳烏帽以舊
留青鞋請今始相逢浩蕩春切勿通爵里

次韻政老夜坐有懷

客行犯蕭條物態如寒冰借問松牕人久客將何營答

言慕幽禪懷抱徹欲清當年因流俗鑽紙如癡蠅一朝
脫塵網決若飛鳥驚齋盂超後輩卧氎陪老生從茲輩
行間往往推先鳴此道本無學精粗不可評忽然辨疆
域獨得分專域物外懷抱好醒來毛髮輕餘事不着意
自然造純精憐君生卑微也縛利與名持身抱餘恨寫
物多遁情以此遊世間心慮何由平再拜謝師言得閒
頻寄聲

觀講師有感

一僧據几坐衆僧列其間紛紛士與女其外復相環娟娟誰家女粉面垂煙鬟既為時俗粧復著道士冠一聞法師唱先衆低朱顏俯仰皆中度儀矩如素閑衆僧推舉首往往務旁觀云是良家子良人綴朝端二十哭其夫蕙幃守竒單誓保歲寒節悼往時汎濶鄰女聞好色願見無由緣孺枝無雜匹對鏡有孤鸞如此十餘載里巷不敢謹歲久厭俗累幡然學僧禪朝朝事香火常念舍罷煩遂來佛寺中圓頂雜長髯未能問以此吁嗟涕

以潛女子本柔靜閨房不肯安當初紅顏時何必同惇
鰥所行雖失節尚可求芝蘭如今餘艷態却來叩幽關
進退兩無據此道何漫漫京城富貴家妍麗出塵寰不
肯自愛重白日呈妖嬈廉恥節既喪萬里來夷蠻向來
紅面女十九逢時艱奈何兵戈中此風不為刪僧乎爾
其能為我逃窮山

和伯氏寄周秀實

相親即噓濡相忘即江湖事理去取間情分乃異區周

侯瑚璉器晚乃擲道途異書窺蔡叟潛論發王符夜諷
恒至卯朝飯或逾晡置之轉徙流奈此臭味殊置之翰
墨場勇往無於菟雖乏三寸舌自保千金軀山巔富蔬
菜渚牙長菰蒲屈曲一徑寬於馬寄其孥非藥亦非餌
問君何歡娛所樂麋鹿游緇白初不渝我於聞道新醫
肺方噬膚喜翁新經過已辨煮瓠壺我有甌中麈翁無
竹裏厨相見期一笑良勝醉呌呼水花正充容小棧隨
輕舫

和尹少稷經幹

昔年初見君山頭日卓午但言奉親歡不道作詩苦稍
稍窺藩籬清風滌袪暑論文及古人一笑乃相許早知
沒津涯矧肯起城府結交得若人渠彌有環渚風帆笑
沉著健足不留佇如何黃卷中尚對古人語田間把犂
鉏筆端灑風雨我亦正官懸非君更全堵往作九奏歌
屈指為君數矧今獨壯年獻爵未酬旅古鼎太廟牲時
花洛城女如君作文章兩壘竟安與

再和

故人客玄都結茅臨子午慈親哺童稚十口共甘苦門
橫百琅玕永日不受暑浮名博煙霞掉臂終不許聽我
讀新詩小侯趨大府揮毫散珠玉風帆轉驚渚北郭鄭
仙翁襟懷兩虛佇尹氏才振古仙翁筆端語矛戈角森
橫畚鍤起雲雨應笑窮巷生蓬蒿半垣堵所喜樂豐登
粒米不須數況從名士游真可釋羈旅願君分餘光下
照及鄰女切勿閔好音文典實不與

和鄭丈侍郎

鴻濛棲神契脫落力自由諒此丈夫事寧為兒女憂丈
人志宇宙纖芥無滯留靜觀四大室俛仰七十秋詩寬
江海涯心無花月愁請言平生志曠度無陰謀浩養馳
三峽涇渭分九流霜皮峻千尺回首走萬牛大歷竹馬
遊即今誰在不被髮下大荒萬象散莫收一舉攝倒景
百篇醒醉眸矧此無妄疾固可勿藥瘳時當天宇清皮人
獻功表願公強舉厄起慰瀟灑侯列星遙參光蟲鳥逃

窮搜前山方刻窟粗可少獻酬不作紅粉浣那憂華髮
羞洪崖與浮邱彩筆俱豐優

和李希言仙山書事

五年萍梗蹤所向隨波流請言初起時皇輿向吳頭觸
目多變異論心鮮朋儔願借谷生筆慙非爽者秋憶昨
元年中紫墟拜松楸搶攘逃賊庭歛退勇自收況知蹠
駁才豈副英俊求摧折縱俯仰旋澁難調柔放意山水
間恐合成窮搜人事喜乖誤奔茫赴南州每緣身外交

不愜心事幽有時塵壤際獨羨滄海每平生欲往願夢想從之遊近者明詔寬汰核真良謀飛集任鳬鴈縱遣無半留乃得陪高人一散百慮憂艱難健兒貴武爵輕公侯吾徒合何如甘分宜相投況彼四士者高明清懷遠邱雍容秦中吟激烈塞上謳得失有如此飄零晤良游

酬鄧子

我年數七十不過春五來素心歲月盡白髮日夜催縱懷獨往願欲去心先回惟思百境空洗此一念埃喜逢

鄧仲子妙語驚奔雷未登黃金臺要是白玉杯安能駕
飛車與子相追陪姑借喝月術救我年齡積

子楚煮雪水淪團茶乃舉陶翰林語以詩見戲
不敢不酬

平生何居士一壑清江濱達觀真大士獨往乃聲聞我
亦策蹇步不甘子絕羣追逐到滅景回視嗟紛紜今朝
玉府開羣仙剪瑤裾迷空散天花萬疊屯寒雲賞心會
兩遂百憂銷一焚雙鳳已鳴似神椎抗孤軍更看陰沴

盡高簷挂晴曛

謝吳提幹惠詩文

排門雪三尺閉戶饑腸鳴擁騎遠方來骨法秀以清袖
出一卷書中有怖俗情上言井有德為費四字銘下言
酒傷道顛倒虞心兵中流障百川絕口無縱橫君子皆
是術殄病人自驚子其欲修我匪以校我榮再拜採雜
佩斯云得香蘅

代徐思遠謝張季萬

案此詩後半係五排
疑當時俳諧之體

淳風嘆遼遠友道傷澆漓交情比一線斷續同羈縻仁
惇既難合義重亦不支寒谷少溫律衡門自寒扉亦聞
豪俠地風月滿臺池可憐伏雌客出往無所施淮鄉有
病客波浪逐淪彌中流失舟楫宛在水中沚請叙先世
德繚遶窮方維始奉華陰組繼迹東南馳道有海內譽
經為淮上師聞風事鑽仰極力忘憊疲求精析晉豕辨
偽正褒貶大逐千里鵬小察一寸鰭旌善類騁駿誅姦
如戮鯢魚蟲蛙蝦蛤瑣瑣俱不遺筆陣驥逸野詞鋒江

斬螭導江派海尾疏源河鑿岬立言經寓宇刊行結防
隄禮樂尊中國春秋揮四夷書謠切頌帝詩化淑歌妃
德苑心潛遠文惟性自嬉謀心千古近張目萬人睢觀
範推難習同肩歎莫追窮榮探杳默測遠極齋而奚事
千張錦真成一角犀聽言真靡靡觀行自披披里薦書
頻上天恩澤屢垂翼冲宜遂奮羽困奈輕摧賤子承前
緒遺蹤恨久違智高思引望愚下顧難移前業皆紛放
今懷孰怨咨志存宜自勵聰失僕安祈碌碌追香餌規

規拾腐剝戴盆思倬漢屋部蔽朝曦流落真難似衣冠
愧未宜敢思千里潤但覲一環溪自分無修翮何人整
困泥及門初著足投分乃知歸袞袞窺儒海汪汪見量
陂風流饒灑落矩度盡逶迤附尾蠅方借餘斑豹幸窺
自從杯與共不覺歲踰朞飲德初難料蒙庥久尚疑篇
章時繼續杖屨屢追隨乍履雲衢便俱亡客路危與錢
寬剩酒裹飯接殘炊揣質恩奚自知公德不漓煦濡三
尺澤和暖一囊衣盛事真驚俗神高解起痿老軀財脫

病稚子孰言肥慰薦增今喜栽培任夙期此身如寄託
畢願服耕耜悲此孤根弱愁先百草萎名卿宜達理直
道不容私飲德寧辭醉餐和不恨饑頓忘前事迫復慮
異時悲東閣雖開館淄川只下帷可能嘗燕樂獨肯念
貧羸肉骨非無藥還生信有醫論情惟藉口此病敢言
腓枯鮒長思水官蛙幸給糜承庥宜足矣去德如何之
道義終祈合形骸聽易睽借籌難獻策罄竹莫陳詞君
子真雄觀幽人之令姿甘貧寧守魯事大復貪齊已佩

金史四八
卷一
添年藥還吟起病詩命疎從我薄情解為君怡聊述蕪
詞拙章成復自嗤

和沈子美梅詩

一氣如權衡俯仰在綬室鼓行橐籥間草木俱應律物
物各有長輩行皆屈膝誰能長百花寒梅最先密自此
啟端兆次乃排等秩微者或易傷大者或不實剪除困
陵暴糞掃如扑扶駢開類爭妍粉敗若老佚採擷既紛
紛棄置復鬱鬱大抵爭春花柔弱忌寒冽方知歲前梅

義勇過箭疾有如比紅兒觀者亦呵叱有如當皺玉却
欲數梨橘又如奏金石秋蟲並啁唧又如持旆岑便擬
蓮芝朮又如白玉堂光耀映蓬華以此難著語老眼徒
屢慰前賢有題韻靈還不容乞欲寫文君容相如口猶
吃投章自清絕報聘我戰栗昨者得君詩冬景當暖日
猝然遇彊敵不戰勢已屈堂堂既難當惴惴良自失花
前嫫姆陋篆外青黃質魯肅思一鳴展禽恐三黜舊積
已經年佳情諒難室勉力駕疲鈍着鞭追俊逸我于掌

武公蹤跡亦舊物差肩固百千及門或六七嘉謨傳四海
吾君能細述餘事付丙丁詞華須甲乙始信直道功
子孫定逢吉門戶既未艾青史當屢筆我思薦一言君
其試無忽藻身須英華造道在經術學博貴守約美質
或矯拂古者亦有言愚慮千得一川流子方興絕潢我
易畢晴昊插繁華從今好顏色

梅

心妙意難到理淺語易俗惟此公共美路坦行自跼彊

勉思攀陪雖懇不見錄料想何水曹平生一夔足

觀徐園金橘有感

金凡不逐肉聚族居士園此園豈不佳百卉念已繁主
人特愛重列圍限兒孫歲晚甘液成饋薦蔓豆存楚楚
小檠欄彌戴覆護恩向來叢棘中豈不茂本根零落草
木傍未得依蘭蓀一朝被華藻如奉貢篚尊輝輝黃金
實採摘勤加餐乃知物貴賤得失同一原收用貴瑚璉
棄置輕邱樊臨風一感歎相向無復言

枯栢

齋前兩栢樹其大皆十圍我初營屋時正與兩栢期其一傍北亭其一近南籬相去十步間當夏無炎曦我翁時來遊對此顏貌怡羣從來其間或飲或賦詩賓客來其間顧盼屢解頤桃李幾番春不逐物態移霜雪苦侵刻曾不顏色哀亦知堅貞性凜凜不可期夫何今年秋予來自京師哭親苦塊間喘息絕自持忽見南籬栢索索但枯枝徘徊栢樹下終日懷嗟咨家人對我言栢死

已經時今年春夏交老翁初見之悲傷復愛惜不忍加
斧斯意謂糞壤間所處非所宜材已中棟梁安得死茅
茨為此感慨久予豈盡得知我既聞此言不覺重紛泮
豈為小圃內失此歲寒姿蓋念天與人響答良不疑方
夏巨栢死致秋哲人萎豈不明告人象類來不遲所以
翁對此泣然雙淚垂大厦將營度固非一木支奈何如
此材終死不得施芄芄叢生者樸樛良已卑槐老未及
仞露腹憂明離東邊一畦菊豈足充朝饑樹蘭徒九畹

不能比蕪蘼蕭蕭數竿竹空腹將何為此
外雜花木不復較雄雌譬如麟失數駕馬
從競馳鸞鳳要高翔巢卵何用窺於懷
久衡慮追數苦費詞枯栢復枯栢汝其
亦長思


八月道宮聞鶯

密林轉圓吭流韻入清杳當時太晚計
花前來不早致使惜春人聞聲恨先老
正緣幽谷春朋友在久要爭春快先鳴
無乃失友道日塢集芳欄名園唱清曉
得路共

遷騰此事不草草即今秋色高金衣尚鮮好歌舞興未
闌秋空樂晴昊

和砒父尋春之作

穠華女兒紅芳草王孫綠小大各盡態低昂俱悅目久
雨脫滯著振衣樂休沐晴空吟思開命簡句可屬起看
花覆牆淨掃雲為屋幸會二三老風騷命奴僕欲說未
說情三篇兩篇足玉人花映面眉黛添香醪杯酒戒失
身無如飽捫腹



欽定四庫全書

集部

東牟集卷二

詳校官左中允_臣瑋五珠

主事_臣呂雲棟覆勘

謄錄監生_臣卞爾巖

欽定四庫全書

東年集卷二

宋 王洋 撰

七言古詩

路居士山水歌

人年八十百慮昏
丈人耳目方聰明
他人到此筋力疲
丈人勝如年少時
老中強健閒中忙
經卷丹爐肘後方
金書千軸造理窟
赤城七篇談坐忘
我年三十始相識
丈人年已幾六十
往來出處三十年
體無作用神安然

靜窺了不見根底我謂君心祇如此那知能事有別腸
筆下風光窮妙理龜溪道人古衲師心辭聲利常無為
晨鐘粥鉢半爐火午日茶甌一局碁一朝共語小牕前
袖出小卷含風煙為言老路手作此畫出王郎訪戴船
明朝見我微笑語漏泄丹青奈縉侶別有一段壺中天
果若知音定分付輕輕一軸數尺長奇峯突兀烟茫茫
其間細屑千萬狀領略試為哦新章初畫寒林宿鳥驚
山蹊漸曉人漸行四僧趲飯分先後人立渡頭沙岸口

一舟閒泊石岸中一舟半渡凌雲空兩舟一釣一垂網
上有鴈落蘆花風兩橋近山轉清絕客携筇杖半碗醪
定是當年鶴氅翁神氣飄飄犯寒雪山腰佛寺樓閣明
下有茅店臨沙汀剝竿挺立照山影風幡髣髴聞談僧
紛然萬象爭奇怪縮地便移他境界才薄其如此畫何
強寫嬌容捧心態昔聞大令馳筆鋒天門未借西南風
衆工索錢陽好語吳起果被公叔沮翩然拂袖返田廬
將軍妙手今為幾乃知胷中千頃碧來自傳家萬金直

金史卷之二
卷二
丈人丈人有餘墨莫惜逢場時戲劇

明妃曲

漢宮沈沈凝紫煙妾身一入知幾年樓高秋月照清夜
亭暖春花熏醉眠憶初送我辭親戚便擬光華列旌戟
君門安得似人間咫尺千山萬山隔花月朝朝空暮暮
長戀朱顏不如故內家車子散金錢安得此身霑雨露
忽聞花宮選羅綺單于來朝漢天子但言妾欲嫁單于
萬一君王賞桃李大明宮內宴呼韓出水芙蓉鑑裏看

徘徊顧影花顏靚綽約豐容廣殿寒當日君王喜且驚
欲留失信去關情若教不殺毛延壽方信蛾眉畫不成
茫茫漢塞連沙漠柳色陽關斷腸處故鄉阡陌想依然
馬上琵琶向誰語命薄身存有重輕天山從此靜埃塵
山西健將如君否此日安危託婦人人生景物疾如馳
翻覆由來萬事非莫笑巫山女寵醜朝尋楚宮暮柴扉
男兒莫厭欵段馬女兒莫羨金縷衣君不見巫山歌舞
賽神罷野老至今懷秭歸

乙酉閏八月二十一日出南城遊峴山壁間讀
東坡詩感而有作

水晶宮名凡幾區此州絕景天下無寒溪十里出明鏡
峭壁千仞涵清虛平生邱壑習次間長情自恨無時閒
干戈逐我出鄉曲散浪却不拘塵寰往時足健輕追逐
吳會山川看未足行來恰值積雨餘萬疊峯巒發新綠
溪山長好人長閒不信此州翻地軸流落須論塞上翁
高唱慚無郢中曲千年陵谷多遷變高名長在唯稱賢

峴山上下碑在否見說父老猶潜然襄陽但記羊叔子
雪上風流亦如此壁間誰記萬瓦詩歎息前賢淚如洗

鄰僧以木龕養蜂一日墜地僧見蜜積燎煙薰

蜂蜂大駭散因割取幾盡適覩此事感而有作
採花供課能滿庾不自營巢庇風雨壘土削板非愛君
君自歸之若安堵一聲衙集律令嚴兩股挾持筋力苦
棟宇不牢偶墮地盡見室家窺積聚王綵積久頗厚實
招寇慢藏誰自取山僧平日恐物傷忍向么微施數畧

豈嫌嚼蠟味太薄一割未厭猶再鼓初猶忍戀縱追螫
俄困薰灼難力拒驚飛浪走觸藩籬往往散墮折肱股
害身即是養身人愛本為仇慈是虎嘗聞釋氏戒奪食
此道胡為今不數刀頭得蜜吾何有出力為君傍作主
勸僧切勿苦有情盍用慈悲銘肺腑且留餘食供歲事
庶得春風容慢舞丁寧更喻衆蜂王自此亦可寬租簿

讀中興頌碑

我我蜀道艱難路萬里行人走征戍招搖夜發川谷驚

回首長安滿煙霧朔方日已催天明朱輝散射朝霞升
旌旗指顧豺虎靜風雨汎掃煙雲清臣能奸君子詐父
身有妖雛不知顧江中鹿死始悲嗟帳下豬驚猶躁怒
萬年枝上春風回明明九廟無風埃扶鞋綴組命書重
崇邑大縣華封開如何李父干天路禍未單誅已交惡
子儀不保墳土乾淮陽豈為幽燕懼太宗功業三代前
煌煌建立今古傳兩宮哀笳十五曲至今談者猶潛然

吳興苦雨

黃流渾渾彌川瀆此邦不求長自足人家蠶治怕桑寒
堦下決明隨意綠朝來橫急如少止忙亂車溝畎秧水
還君膏澤莫貪功放出扶桑照千里

病眼

謹案其一
首見五律

寄身雖閒念未除敵念賴有前賢書如何昏花接旬月
古史散落經耘耔我知稟賦分量淺費出稍泰尋空虛
衣服飲食悉若此耳目形體應相如此如用多隨困闕
不似緩節安虛徐解衾卧穩省開目細瑣悉悉分蟲魚

異時意氣尚掀舉欲取功烈規名譽從天且乞一雙眼
此外不敢求贏餘

憫旱

天心愛民非不勤民心有恨天必聞為嫌流水入城郭
指撝山澤收浮雲浮雲未肯便承命往來空中無定性
平時風伯讒口多忍看雲師自奔橫願得天公張網羅
要令滅跡須嚴科雷公傳聲澤靈死嗚呼奈爾風伯何
近冬至祭肉未給因叙其事

去年至日猶從俗今年至日曾無肉食無鬻肉情勿傷
祭不毛血貧太酷起與婦謀宜早計我典春衫君剪髻
但得豚肩略揜豆敢事三牲共日祭婦將捩髮猶忸怩
請君憑几聽致詞所聞奉祀貴誠潔誠果不立豐何為
自為君婦今有年君家儉德相流傳以其所養昔固爾
稱所豐儉今宜然况聞隆殺古有制禮貴視時成愷悌
順成八蜡乃得通聖治功成方饗帝方今大禮曾未充
倉廩不與昔日同無財無田不可祭子有籩豆那能豐

且求遠去酌行潦在野不應嫌薄少待得故鄉兵馬空
共買羔羊薦清醪

外屏不固婢有思逸者小兒作高柵限之

一從為客今五年囊中羞澁無一錢雖逢惡客如標社
匠石不顧斤斧全自矜尚可詫妻子不用戒謹長安眠
性慵外戶縱不閉竊類陳平佐刺船昨者小兒治藩落
堅不可拔高踰肩心疑過意使輟作瓦棺自免一坏穿
答云竈下不安室慵倦未終頻計日饑鷹在臂常掣鞬

病鶴傷心懷舊匹有自而然爾莫慚無以聚人吾自黜
又思厨清固無餘以我養爾何怨疾忍饑只合且困眠
何為目眺思悠然爾今腸空尚圖逸藉飽安得同周旋
人生有命甘淡泊安貧聽我歌薰弦古來饑渴第可忍
醉飽以德方稱賢

方春時羣兔食麥先生置置焉終無所獲今者
原頭草枯無所隱遁乃得以投湯餅是兔得所
嗜以死而先生之憤亦快也既感斯語因繼前

韻

按題云繼前韻今
集中七古無之

吳山積雪不潤麥客子思鄉疑卜宅先生好客如聚書
豈料向來遭五厄巍巍自是安無虞爾身那計歸庖厨
遐方自此欲同軌書文正合求長鬚當時咀食應矜狡
湯餅于今得梅巧幸因所嗜同一烹吾鼎饒伊送肝腦
臘八日書齋早起南鄰方智善送粥方雪寒欣
然盡之因成小詩

臘月八日梁宋俗家家相傳侑僧粥栗桃棗柿雜甘香

凌棋芝栢俱不錄金僊託言成道時不認饕餮借稱目
誰謂毗耶清淨身何有塵埃更須浴今晨雪屋梳白頭
南鄰與饋如素求未須怊悵思往昔坐變勁峭同春柔
鋪排短韻一作戲為君姑續歲時記

僊上人舉進士過三十不第作詩曰男兒三十
未有立人世百年徒自勞徑拂衣削髮為比丘
今二十年矣精力甚健及將遊天台既羨師行
復自悔訟因其將行作詩紀之

春風只解吹春花靈根古木無生芽玲瓏拳石出萬樣
碧峰千仞藏煙霞世間百事總如此偶然感慨還興嗟
上人本是龍門客少小辭家來射策可憐奇物未化神
却與凡鱗同點額當時三十未為老急電抽身能覺早
一投空跡二十年留得詩腸至今好我始與君同業書
明瓊偶紀張雙魚強將野鶴落樊圃不與閒雲同卷舒
君將風袖隨煙霞我獨塵緣著冠屨試問堂中老衲師
定見兩人優劣處天台風路埋雲根寒巖夜嘯鼯羣

脫身也自不費力未疑此心長羨君他年邂逅雲門路
不止分君一片雲

賀生孫詩

紛紛郁郁煙結扉傳道老何孫子歸祿中不作嬰兒泣
芝蘭共見生庭闈于公決獄德莫比今日何公亦如此
掌中送此麒麟兒不是如來須孔子長兒本自長沙得
驥子生孫定奇特未論玉骨秋水神聞說已傳湯餅色

尤生說字

正名百物與神謀禍福無門亦自求君獨何心分象數
筆端無復見金牛探心取意陳前修一字或可談封侯
逆知喜怒容點頭攻君乃是操君矛謠書失脚似可笑
雜今雜古近同調乃知人事亦天然吾心或者司化權
昨日往侯伯源承軒蓋未還第見兩夫守舍面
目嚴冷有羽林貌勢一僕候門遇故客乃加
禮振聲折腰應對響答若騁駿足而未果者因
問主翁何在日晏何尚未歸僕從如汝輩凡幾

人三人者齊聲答曰主人旦暮出入結駟榮盛
奔走執事畢具間枉車騎過客它舍羣騶之外
尚餘三人我輩是也見其庭戶森然黃簾綠幕
朱戶扃固此三人者特外隸耳而勢已如此使
僕誤入帷帳深處又當何如僕時病起與羸夫
為三既不得見因招籃舁將還三人者自後指
而笑之意謂客太無堪態主人真可誇也俛首
興嗟不能自己因成小詩且于卒章自見其志

併發一笑

洞中僊子丹藥成鬼神妬嫉喘且驚龍門虎踞工守視
始知異類窺僊靈先生本是玉京客藍橋邂逅邀雲英
是宜收藏此丹鼎貌貅呵禁門長扃亦如猛虎守厲禁
千山不許一鳥鳴主人日食大尉府都騎自合連輜輶
只嫌底事苦未足要有蘭玉羅階庭行人過者莫回面
牆東鞦韆不可見我有丹砂不似君待與葛洪評貴賤
寶覺師畫少陵像用筆甚簡伯氏稱賞之因戲

為長言寫之

破帽麻鞋肩偃僂回頭意若呼宗武行歌又似出關時
飯顆山前日當午公如冰玉天賦成玉為溫潤冰為清
廟中朱絃堂上曲一唱三嘆知遺聲平生但飽主人飯
身後空傳世上名蕭條冷炙殘杯氣寂寞千秋萬古情
吳僧筆端龍幻化幻出前賢世無價可憐見畫未見詩
更合愛詩方愛畫

曾欲父招客盛夏轉涼

火雲烈烈燒塵土八月炎風正三鼓使君傳教招近局
雨打紅塵風起舞人言神物戲慳人長為微情愛三暑
晴時得雨靜招風若飲清涼汗如雨了知人意通三界
達士揮金天不怪今朝賓客雜鄒枚想有筆端風雨快
季文作真率會遇大雪寒甚主人之居狹不容
散步為嫌作數語為解

一風一雨天醞雪溪上行人手吹裂主人掃巷作光華
滿注金罍喚賓客酒酣耳熱膽量寬容我口開非偏仄

天寒促膝政相宜共道興來連舉白人心好客天亦知
平時思雪不可期寒消內熱沃肺渴瑤花滿眼真瑰奇
一尺呈豐有成驗三白譴厲徵前為不辭秉燭達曙光
別思共醉今何辭此身對酒願長健明年花發春遲遲
鄭吏部設川饌招客戲成長言呈諸丈

茫茫四海天宇高九州列貢分地毛江黃之區橘柚國

細腰宮衣無吳庖不得供刀匕

不得供刀匕
句原脫二字

况走川珍

自岷水鄭翁幻戲不作難縮地分甘五千里老人種蔬

薑滿畦買薑留錢人不知
丁寧使者市蜀錦恍惚異味
來如期乃知此事古亦有
鄭老此戲誠瑰奇
擣珍腴嚙投巨鼎繚肝末
肺分全犧南方搖落青未已
梅藥垂垂照青泚
雪消冰盡飽陽和
更待春風轉沙尾
穠華只說錦官城
匝地燒燈夜
初起從翁已幸不齋糧
期向城都看藥市

題徐明叔海舟橫笛圖

莫愛一掬水
海闊觀狂瀾
莫愛手中月
空明海上山人

生適意貴如此前度徐郎在千里噴雲裂石天宇高夜
寒水冷魚龍起世間俗客貪昏睡波濤不識神靈意更
令疊奏數曲終鯨山會作玻璃翠畫工妙手今無幾可
惜徐卿今老矣醉中睡起百憂寬與君一笑西風裏

石澗

案此詩從上饒志抄出原本云寓屋故吏
部侍郎徽猷閣直學士東徐鄭望之顧道

上饒之所居龍溪汪內翰為記所居
又有石澗東牟王右史嘗和其詩

帝令銀漢推餘澤不與人間較刀尺剪綃為練課天孫
濺溜成文照東壁我疑蒲城鬼神入脚踏飛車翻霹靂

怒當十倍縛王離
瓦震三軍開許歷
仙翁題詩詩有史
畫史紛紛俱屈膝
至今盛事隨山中
往往摩挲到金石
歸來滿口說江湖
不學平生論感激
乃知卷舒在虛懷
誰道今人不如昔
有時坐我天姥下
但覺清風生羽翼
長令淨洗五兵閒
回看萬事皆塵跡

寄題永新鄧成之粟庵

案詩二首其一見五言律

學詩學禮子已文
種花種竹居不貧
門閭正可務廣大
如何一粟容君身
結庵名粟亦何寄
口不盡言知有意

鷗鵬羽翼自垂天
蜩鷃飛鳴有餘地
短長小大爭長雄
舒卷不離方寸中
如一粟大江海萬
形宇內寧非同
君如推此充寥廓
回集塵端亦棲託
放言切勿誚蒙莊
伯夷永名仲尼博
更須談理勿談空
此道根原由守約

凝雲堂

浮雲蹤跡真何處
會若無心是同住
此間我若解忘情
應與閒雲共來去
面山結屋開虛明
屈伸與我同太清
紅塵洗淡一翻手
悠然適見雲平凝
回看詩客時滿堂

雕刻品彙俱奔忙亦知泉石成膏肓與人裝取錦繡腸
寥廓萬里同翱翔唯有白雲來帝鄉

庚午歲伯氏生朝作樂府一章為壽

木公金母傳瑤爵九虎開門動魚鑰瑤池曼倩別煙霞
海上安期降喬嶽東牟先生德彌大靜課虛無明寂寞
背連海嶠三雙鰲手取西山一丸藥推先當戶培芳蘭
斗牛寶氣搖光寒光華章綬表奇格照耀廣陌馳花鞍
春風物色論長久柳拂腰支梅勸酒百篇聊復付西江

盛事會須傳不朽天上老驥禾充腸一秣萬里瀆空蒼
年年歲歲身長健歲歲年年春草長

同劉仲忱舍人先生鄭武子餞伯氏賦兩篇得

聖歡二韻

案聖字韻
見五古

南州本非行路難年來行客多悲酸黃花白酒且今夕
驚風晚日催雙翰一杯交歡意方屬四座相顧顏不歡
如今守邊戍不遠政合勉力勸加餐

送周仲固運使之官湖北

梅花滿野春欲蘓漢家使者臨重湖使君作意不求異
解使愁歎成歡娛往年奉法佐廷尉縱遣狐兔誅封嶠
平生獄吏弄爪觜民不畏吏從君初即今持節下澤國
要令比屋歌唐虞父兄便飽倉有粟童子莫恨衣無襦
溫溫和氣徧封服坐運豈必勞傳呼桃花之源誠有無
吾恐誕幻成荒誣不如使君三聖書總括萬彙包堪輿
一編韋帶在掌握藏之懷抱時卷舒古今事物不外取
但用指訣開迷途斯民識路從變化履泰去否壅中孚

使君早訖外郎課歸奉天子陳王圖他年訪我當踟躕
欲餉白飯陳青芻

偶得上饒芡實頗佳分薦同邑以詩送

明珠寶簿藏貝宮姮娥取置空明中神仙法施仗秘呪
一粒變化傳無窮水府仙人通妙訣擘破寒泉弄明月
左庚右甲養素胎珠勝醍醐色如雪鍊丹水底含太陽
世人錯比煎硫磺丹成不合戀凡殼雄雞冠碎鴻頭傷
紫苞裂處呈芳髓火侯溫溫闔香起青荷猶著舊衣裳

玉質可憐供軟美我家舊住長淮湄花開十丈芙蓉旗
年年割鮮喚同社徑醉忘却還家時何人縮地有幻巧
容我短棹追馮夷

借笠澤叢書于陳長卿以詩還之

親見子雲貌不颺遲以歲月名自彰松江笠澤幾多地
古今三作勝士場鵠夷已去乘海航季鷹撫事驚秋霜
五百年間天隨子汀洲杜若齊芬芳筆牀茶竈湖光裏
欸乃聲中弄清泚有厨無煙釜爨空過午懸簾藜莧美

詩窮文怪兩奇絕造化別分開日月一峯下嶺晚當門
四頰寒鱸夜飛雪甘同世上伏臘勤肯作人間觴豆客
辟書不為救口忙銜命終辭一官熱借書當借物外書
洗除塵坌觀浮虛異時曾此一過眼故人相遇誠歡娛
翩然好去追黃鵠酒無兩瓶歌一曲

聞何為孫作內集以長言戲之

門前春田澍膏雨門內春風動歌舞瑤為璋玉男子祥
起作繡鞋女兒舞阿翁吹簫兒獻旅粉面嬌孫侍家主

一門歡笑足戲樂盛事流傳百年語村歌社曲莫揮手
定本風流教坊譜一家有喜百家同况是相逢淪落中
犀錢玉果大開說已愧湯餅霑無功

周秀實書云裴奇卿好茶得病鍾熙仲酣醉任
真西林老逢場作戲同倚花下一時信筆作詩
為戲

間來得病緋衣客著酒當茶桑苧翁誰知十室有二士
復得周叟同從容叟今行年餘七十七歲詩成鬼神泣

即今脰合主盟壇籍湜驚奔汗流急兩君置陣亦嚴整
未許行人私越境有時爭利逐輜車掉鞅安行發機穽
戰者方酣見者真走書取證石壁人石壁老人方睡起
巖前一笑桃花春遲君待我同徙倚共催短棹東風裏
方何二公面自郡所得不同作詩戲之

南鄰博士只破幃春來數日分春衣東風陌上催蒙第
不許看花緩緩歸那知此理未可訴破費書厨走長路
靜思我咎安致然杳杳人情無問處歸來粉黛已亦結

安得衾裯更羅列嬌兒冬暖不須啼正恐當寒更無韞
命數從來有奇耦北里士師真好手一時歡笑父子同
篋載縑紵船載酒歸遺欣欣樂可期婦運金刀時哺飴
先憂後喜尊吉卜醺酒烹魚消百罹世間得失類如此
解使空腸作悲喜紅白紛紛一種花試向東風問桃李

戲鄭曾二老

兩編千片白雪繭六百二斗青銅錢不辭破費十日產
要向几上追前賢前賢已死不可慕世上流傳只佳句

不尋斷簡賞心符定自前賢無覓處鄭翁知我用意誠
云有甲乙分餘明盧仝書到孟郊富李老被酒張翁醒
當時諸館典讎校今日取送傳芳馨分多析少每如此
翁甌百金杯千羹北鄰老子苦好客懸簞過午須賓食
昨朝喚客啖鵝炙十字浮光湯餅滑須臾碾畔百塵飛
語是奴童破珪璧此翁香串數百枚一一啖客當千回
啜香飽炙勘詩譜但度流年無所苦

以校正字學還方智善作詩贈之

惟古於文藏妙理自然之音見微旨唇舌齒喉母生子
清濁重輕毛髮比古者八歲方毀齒小學師承方肄此
時及春秋循一軌臺輿亦知窺闔壘齊人謀莒本祕詭
登樓密語不敢指兩脣含合不多侈見者能知豈徒爾
後人學疎忽源委傳會流俗兼下里庚辰吳八記前史
郢永遂令齊亥豕少知長老習步跬紅綠誰能辨朱紫
縱有是師無是士聞者一笑或掩耳我年六十老書几
倣佛聲形多取似目前趨過或但已翻覆討論徒累累

方侯大梁舊冠履結髮儒衣長槐市發憤編摩貪寸晷
索摘真能窮骨髓持以告人遭詆毀方侯持心直如矢
尊吾所聞寧轉徙若不我從知已矣我留龜溪同梵庋
羶猶偶幸親蘭芷時論古意自鞭箠不覺此心思奮起
乃知古學惟審是晚乃紛紜聽華綺攷永聲律究終始
縱不有疑心固喜要好誰云不傳紙革誤鉏疑云糠粃
欲障東流歸海水識路直須行不已靖節琴中有宮徵

聽琴贈遠師

世人傾耳聽繁音太音古淡難為聽有如廣庭題旌夏
或者驚遁疑有神當時舜牀調五絃薰風煽物無窮人
若言造化不愛翫安得感君回陽春遺音相繼嗣者誰
窮山緇侶黃冠師非干此意樂窮靜世路自與相參差
我今試聽清風操野鶴孤猿對殘照琅琊山下醉翁吟
分明撥向琴中調時聽二曲人言大絃如玉溫小絃蘆折亮
以清春秋自是隔寒暑天地不得令偕行豈如七絃轉
十指勁節諧音同到耳乃知造化在指端豈但高山與

流水道人不肯長懷珍亦曾挾藝遊車塵高門八字驚
未見脫贈往往捐千純如今飄泊困長路更覺世味難
將迎應將感愴赴琴曲一聽萬慮羅心兵道人勿苦生
冰炭古道須信非人情哀音果要洗俗耳更去嬌絃三
兩聲

陳道士年十三骨氣有異弈碁得妙處鮮能對
者推此藝以他學何所不可因成短篇贈之

一枰局上無多歧世人到此懷自疑方圓動靜曾未識

生死眼前那得知長頭道士年十三眼如巖電光爛爛
已將雙脚踏城市猶自面目藏烟嵐局中應答每閒暇
揮霍紛紜窮變化回頭却笑世人疎不認盈虛成敗捨
我聞此藝在專攻莫起妄念思冥鴻冥鴻不至局已敗
弓繳漫自存胷中我欲將君比弈秋專持此藝從君游
但期白黑得歸處一枰勝負吾無求又聞奕碁多仙侶
常向局中送寒暑世間利害疾轉頭妙手如今向誰語
昔時陶令曾鼓琴為嫌絃上多繁音七絃除去五音斷

却於此處知琴心我知此藝亦如此不似推枰休刻齒
請君長大具芒鞋共向鹿門尋石髓

贈向揚州

耐官丞相千載人傳家愛國不愛身兒孫當使風流在
已許絕代誇殊倫其間淮上禮樂帥氣象直出追芳塵
未論十世數眷屬況是雲幕椒房親揚州自昔鎮平野
東控七澤南甌閩肩摩轂擊接晝夜賓從雜沓朝天津
尊前芍藥照金翠堂下楊柳眠芳茵上中下地貢賦錯

二十四橋風月新百年人事有更變冥冥原隰桑麻春

中興天子撫方夏選用世德分憂勤劬勞鴻鴈事安集

藍縷軍路張羅閩

閩字韻重
或疑作閩

即今施設如有神突兀壯

勢何逡巡高城樓觀挿空碧畫橋舟艤浮齋淪黃童白

叟息愁嘆自言重見風俗淳野人本住蓬萊側寄籍淮

甸老阡陌飄流自分不重來重來翻欲謀安宅昨宵晚

渡長江來扁舟欲泊長河側送徒勉我但安行此地何

人名惡客元戎號令皆有時令行禁止須臾期請君委

索付大尹野宿山行良勿疑行行古埭弔謝公平堤一
笑逢老翁語多雜亂唯說尹但道還樂今年豐吳娘踏
歌兒起舞不須社日長聞鼓若令未即棄塵埃會見黃
金價如土野人詩句來林泉具書目見非妄傳請君雲
路驅長鞭黃霸龔遂皆世賢

贈鄒德年

短檠三尺照座隅眇昏兩目頭不梳丈夫功業務廣大
安用事此牛尾書多求舊聞助器識欲駕萬里須舟輿

要堅志節在專苦積螢照夜真前車道鄉先生好門戶
髯李晚出充門閭昂昂鷄羣見野鶴炯炯虎視嗟黔驢
如何天公不着眼棄此異寶猶紛拏我知造物自有意
將騁健駿先虛徐金須百鍊作鐘鼎玉試三火真璠璵
來年明光再射策聊取高第酬三餘古今人事自差別
見晚用速皆乘除他年雲路着鞭穩無忘過我中田廬

贈大猷

棲遲下國傷蹉跎更生父子交琢磨雀羅門外賓客省

三鱣堂中經史多蓄川起奉太常策風雅先入光祿科
人間盛事有如此東平江夏今如何一廬聊寄吳山曲
白柄長鑱斲黃獨飲從野老自有餘飯在先生長不足
人言功名難力取我意功名要勤苦分明經訓是蓄畬
誰道今人不如古山陽隱士家傳饑長身季子今流離
聞君酬唱得此客牧兒販婦哦新詩我將六十筋骨羸
形骸行赴溝壑期如君名遂尚可見幅巾他日期追隨

古詩贈沈約之

蕪端薛復同黃土海內文章誰接武即今七字續長言
沈子揮豪照今古朝為百賦更賈勇暮作千詩猶奮怒
補天綵筆不費工捲地奔風隨插羽窮途得所喜入眼
口誦新篇身起舞已知奔逸逐驊騮况復逡巡蹈規矩
薦書指日登姓名藝圃方期富倉庾閭公色動瞻斗牛
處士當筵賦鸚鵡跨海鯨魚要力求翡翠蘭苕不須數
不嫌投迹老龜溪看子聲名滿寰宇

贈丁執中

計子產餘身可足有子有妻難免俗平生食案好擇餘
今日虛倉不贏粟忍饑自是學道功萬事由來同轉燭
天生異寶世須求說是君來自懷玉

懷范子以詩贈之

開正占晴符古語便謂春風徧花塢那知天意不可謀
纔告休期便風雨急追令節已難尋卧向空齋思勝侶
可憐十步五步寬似隔千山萬山阻今朝馮夷巧作便
翦刻天花散飛舞峭寒燠沐雨不同況是南箕正三鼓

若求此花勝彼花少霽威嚴無用武桑錢未出土未興
緩給豐膏亦無苦半分僧室依環堵滿目愁來不堪數
需公排日作好詩細破春愁看幾許

聞丁永安屋下疊山甚有佳趣恨未之見作詩
寄之

買山幾人真愛山東薪煮石凋朱顏老丁謀作久長計
洗寒疊翠房櫳間簾通菴扉即洞戶人映山色多煙鬟
住山住菴似丁老脫棄妻子真愚頑

周秀實以近多讀書少對碁有詩及之因以寄
識情變易須臾期躁動未得安無為幽思傷神靜生苦
游藝且復招僧碁碁中趣味亦何有勝負紛紛翻覆手
分排事外雜窺圖得失坐中分好醜要須忘年在書史
不出空齋見千里昏塵積習要揩磨晚學未應談至理
終當謝遣惠子琴不挂一絃存五音日損其半思慮盡
此道孰知無古今

因與伯氏同一僧話武夷事作詩追寄之

直峯峭壁天半青高簷張燈疑挂星山川勢力有如此
擇地信可棲仙靈我前解官古樵戍志願本欲探珠庭
時當恢台積氛霧一日三雨時三停載舟撐石逆噴浪
自謂力可登青冥篙工榜岸遭急灑回宿荒宇依祠廳
二三道士謬告語云此潤澤來雲輶比聞輿人誦舊說
仙官下矚如明熒遊占晴爽惡昏滯官去此法當伶俜
果還近甸阻天路一官泛跡隨飄萍退之昔日徙南服
祝融騰擲開仙局近時蘓翁失定武太行毛髮無餘形

一晴一雨告休咎晴者人樂陰天刑我意神官與人異
宜以行事分羶羶人如阮棄神亦厭世間利達真芳馨
窮通兼忘扶正直人知戒勸思常經有如神意本不爾
人意忘卜欺愚聽黃鐘大呂絕世韻扣擊距躍嗟短筵
心知得路適遠意願結茅廬當寒汀真遊適遠未可必
遙寄此語通丁寧

答裴寄卿書因寄長篇

裴郎短身衣弊服衣長過身幾半幅高裙大袖領占肩

要是精神大於腹古書古字談古人洗盆滌盥供慈親
慈親居貧不道苦裴郎醉中頻起舞里中驚怪無此人
往往爭看立環堵妻兒醉時亦同醉未免醒時生竊議
裴郎裴郎切勿論錢錢有菜裴郎裴郎下十字有脫誤我家伯氏
亦翛然得官去官俱醉眠裴郎有意縱短棹雪夜待君
明月邊

喜雨寄上饒守

東村叢祠聞伐鼓西村巫家女兒舞滿城半笑半悲啼

唯有使君心獨苦使君日日拜土龍尊彝淨潔籩豆豐
公厨彌月不御肉七十行老筋力充明明上天採民譽
先使千嶂雲腫臃知公不肯愛珠玉非玉非珠只雨粟
如今萬室動歌弦穩保千箱滿種桂不須衮衮談政理
但持此事獻天子從來上瑞是豐年會有徵書封玉璽
有如不掩造物功盡付妙手歸長空長空冥冥不可名
請公便作喜雨亭

寄曹嘉父

廣陵隋家天子都背負巨海襟江湖江分青山湖獻白
梁宋千里傳膏腴朱坊瓊園翫月夜谷林九曲秋陽徂
奇辭巧語不可極盛事往往開天衢我家太傅官三載
文物方值開元初四并堂前木芍藥小金山下紋車環
沸天哀笳律新婉照水粉面衣襜褕少年意盛不自屈
直欲赤手擒於菟翁云學等不可躡俾著逢掖勤詩書
泮宮得就弟子列親見士子衣諸于子時燕頤出頭角
衆中轉目窺陳吳

吳字韻
重有誤

孤熊自爾事拱默嫫姆未免

爭妍姝黃緣傍石見光彩驚破塵匣開明珠同袍傳諷
梅花句知子名字湏臾分携兩家止隔歲果見貢篚
先鄉書巍巍廣殿厭長策晔晔盛譽咍諸儒蓬萊海徼
通外服坐戢巨浪張威弧超騰意子便得路亦復坎壈
游窮途我年二十始冠弁一門嬰禍奔淮隅辛勤往來
幾萬里壯志滅沒忘前圖再遊黨塾事商較齒髮已壯
頭須梳十年低徊不附奏閭閻婦子欣擲榆年將四十
偶占第朱顏已變無膚腴一官從此浪隨牒十生九死

羣魁艷祠官香火即係外考祥視履傷疲驚舊聞子官
向西蜀萍跡飄泊來東吳相望曼遠思會合安得揮羽
先陽烏偶然婦家有近黨一官宰社依南都報言歸妹
得異士乃知子食江南魚我時方冬寓窮屋喜氣不覺
排寒區那知老乃並姻婭自此日覬參雙鳬人生會合
信難料短書先寄三年餘今朝得子歲前記指數舊事
談菑畬論情感恨共歲月談經造理分賢愚孔師已沒
道堙塞遙遙千載想盤盂百家搜唱互詭怪決意剪剔

隨榛蕪有如出門問長道敗溺壓覆無須臾子今識路
又鼓勇直到定處無紛如蓬萊季父已荒謝揚州舊士
多淪胥即今年五十六四易寒暑君前驅兒雖已婚
女未嫁氣何與子相乘除寒牕何日共樽酒一取耳熱
同歌呼

寄何宣仲

同年進士同壇僧暫聯戢戢如浮萍一從仕版祗事後
徃徃牢落如明星假能作意篤恩好言語不過時芳馨

死生貴賤兩乖角黃鐘可扣非柔荑吾見何子取路別
秋霜皦日看鴻冥一言意合即定分咄嗟洞見無留停
慈親八十髮黃素稚子三歲眸青熒此翁貧苦不敢嘆
意欲歡笑娛親庭往年我官南武郡士有林子家伶俜
一兒得官走上國投銓中品書安寧忽去病死不得返
我亦憤泣傷飄零徐言中表有賢丈已收旅骨依林垆
是年我歸再通訊冬日已照堯堦冀書中報我方急擾
我意官下非常經鄱陽胡子遽客死此翁立為營輜輶

我時方卧生歎息不覺洒淚霑牀屏恩宜先施士固有
德不期報人誰聽貧猶務德幸今見死不背義聞前銘
又思此翁乃常履盛譽未足滋芳名有如此翁空試用
慕附始見真羶腥一官未用念鄉里九鼎自合尊朝廷
行看聲猷立事業下邦震動如雷霆淮田野人分屏置
雙鬢不復當年青乾愁道路阻會面恨酒不醉嗟長醒
短書一紙說情狀安得模寫無餘形何如未決待清暑
尚期一醉同壺餅

寄周秀實

天目之水停山椒
滙為雙溪雪與苔
先生苔上結鄰好
遠得徑山中洞霄
浮圖道人支若永
赤城黃冠陸修靜
前山後山松栢幃
七盤九盤龍虎鼎
山前籃舁過者誰
不是長鬚謝靈運
此遊已恨失春期
更待清和閒晝景

寄廉宣仲

繞淮邑屋繇千區
畫簷綺棟吹笙竽
冶金合範結樞紐
冰銷水釋無須臾
盜前乞死火中走
幾人脫迹逃江湖

靜思朋舊若滿目不取神禍遭囚俘其間善類豈不有
安得變化歸同符平生宣子富心事先奉白髮携童孥
吳山越山好處所飯炊香稻歌吳歆我家盜焚先子業
每仗餘德寬天誅悲傷扶病別鄰里崎嶇僅得來東吳
稻梁在世竟何物與子各隔天一隅近聞詩章不減舊
昔日健筆爭華敷鵷鷺羽翼困州縣況事糟酒分錙銖
隔江遙想思會合安得兩脚生雙鳬溪邊樵風趁短棹
杖頭明月兼酒壺十漿饋我五漿少萬事一醉真良圖

寄何子楚

江如淨練山如幕人道老何得真樂寒溫語後再拜前
每得書來話寂寞米鹽細碎百慮寬自昔仁賢學道難
詩書可樂卷胃臆啼號不救如饑寒去年嘉興租不足
今年山田米炊玉稍湏酒肉療枯腸雪老凌霜不從欲
丈夫功名無後先請翁拭眼看前賢西湖處士竦吟骨
饑乞僧飯紓長年香山居士箕尾客東坡老子金鑾仙
生前千騎不招買身後一盞同寒泉我意何翁亦如此

高人不飲無錢水忍饑徹老守清臞它年配食赤松子

寄廉仲載

吾州阿載志尚古瓦豆鉶羹列尊俎存心淡泊自有餘
過眼浮華俱不與但知古人力可到不管今人棄如土
白頭老子舉嘆嗟黃口小兒方靳海淮田平行真樂所
地遠溪山老清苦天教置子一壑中句曲海東䟽藥圃
道中小吏三四家邑前傍海饒桑麻初疑一飯不可飽
那知歲久今為家別君十年勞肺腑遣問寒溫訪兒女

一書還我報何如
志老益堅無軟語
喜君書語談古人
身雖隔遠心相親
扁舟何日載樽酒
共泛清江千尺綸

和秀實寄詩

去年河南歸故地
今年朔方兵又起
血牲面埋曾幾時
無乃姦盟神不喜
嗟爾萬人來遠荒
豈無戰士傷金瘡
封疆萬里尚越境
金帛露積猶多藏
國家彌文今尚武
已碎銅山鑄銅虎
勿矜突騎飲長河
肅慎燕陲吾北土
且知成功俱自天
天心可卜因豐年
但令三錢博斗米

金史四
卷二
任爾自枕干戈眠

和鄭侍郎贈晁倅

昭德文公百孫子存者風流今尚幾
封胡羯末定可人
徃徃高吟笑侯喜自期不解世俗書
肯學持竿釣溫水
江國蕭條一郡丞
萬事得君無不理
憲間五老亦多情
點綴青天一張紙
庾樓明月清宵起
夜夜柴桑空故里
黃壚日日曲江頭
曲聲日日關山裏
使君勿厭簿書煩
解有哀猿醒俗耳
詩中能事了幾人
智有三公力任鄙

鄭翁老自愛詩情餘事紛紛不挂齒一篇長韻十四詞
付與鶻絃作桃李我於此事亦何有盛事與翁傳不朽
遙瞻小隊到柴桑采采黃花薦清酒

和張文潛輸麥行寄滁守魏彥成

琅琊山青讓泉白上計使君封瑞麥田家煮麥燒桔忙
一笑相煎何太迫醉翁亭上綠縹囊亭前庾積蟠蛇岡
家家輸送不掃場謂取我廩金斗量贖錢沽酒追良伴
使君莫數星霜換願君容我借三年他日萬錢供一飯

金少曰人公言
卷二
山頭飛雉鳴朝日哺我老翁張射畢誰言田舍漫蹉跎
輕裘年少每相過

和謝齊解元見惠

楚東六邑多秀民其間達者海內聞恨我眼闇不識真
客舍道傍初見君徵君當以文章顯照眼青錢充萬選
胡為過我誤淮揚山徑蹊荒費鉏剪龍鍾野老安用哉
偶隨江上浮鷗來簿書魚鳥少閒暇賦歛戶口煩徵催
君今蹉跎壯非少隴首棲遲雜長嘯上書自薦莫崢嶸

直氣如虹亦竒峭詩書滿腹燈火勤勿言此道非由人
雪霜不厭松骨老桃李自與春風新短書御袖懷珍具
文字天成絕斤斧一鳴行即駕雷車萬卷它年勞電母
北窻紋簾清如水青蠅側翅如畏刑側身甘旨寢疾愈
負我此腹何由靈身世浮雲不留處書生白首談堯禹
書窻行几幸虛閒過我蕭蕭聽夜雨

和監丞去歲賦巖桂

南方火老不告疲秋物過半新涼時姮娥剪花趁時節

新月借色天風吹平生仰望婆娑影一日坐對連蜷枝
異時寒梅憶老伴過眼春物真羣兒人間著名終自疑
但取質幹稱文犀天清夜寂兩相對萬里不寄長相思
次韻周秀實見寄長篇

當年識君恨不早麗句清高人縹緲有如商律變初秋
慢綠天紅俱一掃自親蘭社襲餘芳歸蕤寒爐陋昏棗
乃知形骨縱龍鍾勝處精神不衰老我辭官下曾幾時
囊旣雖貧未空倒女兒索嫁金無餘錄過知難坐丘嫂

人言貴賤在天公饑飽更須關富媪是事姑置無相聞
瓜蔸分區竹有孫暑風長養遠林密雨脚并合前溪渾
傷心事慮漸消省胡不俯仰隨欣欣有時放意枕書卧
亦復倚杖看荷翻慙慙不如偶相遇過我思同明月尊
世間明月向人好丞不負余余負君

陳長卿以詩見別依韻

朱弦之琴三人嘆此曲宜傳廣陵散要知太上乃忘情
山上嬰兒是雷電情鍾我輩才力中路傍野草年年豐

原頭火燒去不盡天外春意來無窮西方真人言可恃
愛斷有情如愛子暮年收足欲依僧一鉢一餅聊止止
西臺仙客傳風流細說閒情寬我愁此身已分松牕下
衲被無人自禱頭

次韻酬江如晦

命數奇窮誰與伍陋巷甘同一命儂怕寒長苦地多風
厭滯每遭星好雨命在天公難自由若知安命當無憂
三斟長得供卯醉米鹽不辨俱悠悠去年約子招佳客

貧不關心真達伯共貪靜適且過從追恨窮途昔睽隔
二月黃鸝初好音槐陰柳幄青羅衿杖頭挂錢只買酒
與子作意時登臨此鄉秀野多水石莫道雲遊不如昔
松栢相望泉下人試數幾人能滿百生前一飽復一眠
得失塵緣俱偶然長年無事頻相見此自前賢今古傳
冬雨不止鄭丈作詩次韻

海門山外天池雨來趣沱江打鼉鼓望夫臺上濕愁紅
玉斧壇邊沒沙渚貂裘公子思寒侶佩玉鳴鸞不成舞

金匱要略卷二
慇懃舉爵祝雲師壯士端湏氣相許果然晴日照魚梁
鴻鴈高飛肅霜羽西清丈人詩眼高師友淵雲僕徐庾
興來弄筆起春風暖日桃花靜初吐且題紅藥寄長沙
不用短衣從猛虎

曾絃父再賦鼓字韻詩再賦一篇

頭如青山手如雨十日瓦溝鳴羯鼓南城病客偏作愁
魚遊淺金蛙同渚去年曾困夏畦乾巫祝陳牲女師舞
淮南米賤隔關河漫道歸期久已許誰同著力破愁城

願備前行插飛羽那知物理自乘除原思五秉公西庾
暑雨祁寒人莫嗟潔籩滌豆神其吐茅簷生意滿晴川
方信齏腸能抵虎

砧父又賦鼓字一篇復次韻

魯人小信廉纖雨大國雷車起三鼓堂堂千里執無前
安用渠彌設三渚使君賓客多英侶碧玉傾香細腰舞
浮花浪蕖爭取憐醉乞一言終不許有時斗酒詩百篇
猛將腰間掣金羽公家丞相在當年寒解衣裘饑發庾

風流世德今固存一沐三乾飯三吐生男何用金滿籬
傳家願學文中虎

陳長卿侍郎以玉友末利見餉并示長言已酬
再示一篇再此次韻

少常仙伯詞翰光天鵲綬帶連天香崆峒之人瞻北斗
假面不敢呈西涼浮名於我亦何有不愛熱官能炙手
詩參祖律品度高飲遇故人情分久夢中不踏肥馬塵
覺來驚看瓊樹新只愁三疊詩更好有如恩愛成煩惱

劉行簡以自題所畫墨竹詩見示依韻酬之

買花無謀謀買竹少陵未必甘同谷索酒餅空方索茶
陶水終慙錦茵宿我生絕意鶴背錢犯分猶貪竹間肉
穠華穩付桃李春寂寞頗疑松栢獨自逢劉叟用意好
錢不看囊不羞忸誤身冠在竹皮寬比酒葉宜衫色綠
如翁湏著第一流藝能飽勝三千秋少名數輩列青士
語放千雲封素侯詩成自寫真三絕筆下琅玕手中鐵
若湏推較極清高有待朝天寒栗烈

又題琳師房劉行簡給事墨竹

黃門給事二千粟日割三牲亦應足劉翁食俎厭羶腥
千畝渭川期滿腹吳人束簡如束芻百錢可了三日厨
劉翁平生幾兩屐可能千畝無贏餘獨嫌納腹未可盡
更為揮毫寫清峻庭空月落千丈長老栢喬松未高勁
錦綳稚子置腹中鐵面老人凌遠風此君族類俱得所
多事索此霜髯翁腹饑眼飽徒倥偬只說饕饒疑作俑
何以先生日照盤更看嬋娟勢飛動琳師從此唯善看

時時更為通平安

酬政老見贈

君於取予無乃廉筆端自許能摧堅摧堅不是老僧事
賈用不售將誰還却收神觀反初視先種熟耨終有年
早知游息造溟漠不為耳目辭踴喧新詩投我苦褒拂
豈但一讀頭風痊方今冠履尚錯總不到巨浸非長川
姦窮否極會一返快掃醜類論億千乾清坤夷龍妥帖
與師訪遠同留連

子楚以二酒合而為一且效洞庭春色以詩叙其事因奉酬

世間百味俱有正偶失酸醎俱一病須知論酒如論才
軟美悅人嚴太勁韓青居士貴調和田竇醉時籍福勝
寂然二物俱有光物外洞庭容借香共談已造名理窟
一鞭亟入亡何鄉了知此處有真趣再聽牖下鳴糟牀
又謝丁執中寄黃龍菜

吳山草長春暖時吳人髻中金卷筵家家饋薦作寒食

貧富豐儉要適宜富兼庶品助取醉貧得勝具兼哦詩
金餅玉筍固華麗雕章續句真瑰奇西溪友生居占野
不務結屋留園葵歲時供給不外索野花滿院蔬本肥
今朝懷我寄餘劑色照匕箸光陸離我慚此腹負此物
但用當肉無它辭舊聞書生飯不足朝暮藿鹽只充腹
勸餐齒頰雜宮商若比哥舒薦梁肉我歌短章持報辱
恐子詩成費追逐好音佳惠不敢虛寄以離騷三十六

謝章季萬寄新筍

面山堂上迎秋色使君舉酒當月白冰磁雪腕方取憐
看破妖嬈念羈客溪邊從騎何奔忙溪童疊厭爭窺牆
為公一洗窮愁腸與公草木同輝光

謝淮南徐巨源寄酒

淮南有酒誰人得分餉東吳無酒客應憐葑屋寒氣多
倍費行厨春色力人道使君宜在朝我視使君宜逍遙
已聞財計免催索況是閭閻安教條增秩賜金古亦有
且留使君與淮叟玉隆香火幸留人年年要飲淮南酒

子楚持小甌中實以物餉予啗之如芋而味勝
曰此黃獨也野人得之故以分遺因感少陵詩
率然有作

君不見野人謀食搜山谷不似輸錢買金粟
藤薇細瑣俱見情豈有靈根不收錄
少陵饑走徧九州命寄長饒生事足早知
雪盛又無苗擬欲誅求已戰瘡先生蔬食
亦易饑意感鄰夫荷斤斲僅同冠芋又
隱藏遠勝鳧茈適踈緦癡兒且食驚未見
便欲負鋤自拮据搗人生留滯

誠可憐坐使百憂寬濕束煩君轉寄與慙慙晚食何時飽顏蠟

謝人寄茶

建溪珪璧能圓方萬錢一啜難輕償奔騰千里羞貢篚
天應不數金錢網侯家錢如大國楚陵肉澠漿推大戶
早知煩滯厭膏粱貴此新香兩三數一朝百室困干戈
在十于今或去五老工既死無典刑髣髴兒孫追故步
誰令遠寄山澤仙來洗沈疴太華巔攻頑治癖恨無術

且共山頭玉井蓮
慙慙更語抱琴客
不用君歸人未眠
嘗新茶

僧催坐夏麥留寒
吳人未御絺綌單
溪雲谷雨作昏翳
忍假快飲消沈煩
商人遠處抱珪璧
千里來從建溪側
報云蟄戶起驚雷
鞭走龍蛇鬼神力
色新茗嫩取相宜
留得一年春雪白
先修天貢奉珍團
次向人間散春色
僧窻虛白無埃塵
碾寬羅細杯勺勺
寒泉一種已清絕
況此靈品天香新
人間富貴有除折
靜中此味真殊絕

誰言僧飯獨蕭條勝處誰容較優劣

梅花林

甲子正月陪智善刪定叔遠寺丞約子濟別
乘共步溪濱扣院落委曲入梅花林連日晴
暖花已盛開地無落粉因成長言記事

橫橫直直迷人路誰知恰是藏春處減春一片亦何傷
切莫輕狂作飛絮開正盡數一至七無雨無風保休吉
此遊不記後難尋聊寫長言記時日

王亞之元夕招客庭下紅梅兩株相對盛開

君家不種通神錢只種春色留庭前庭前春色誰最妍
二女解珮來江邊沉沉華屋清夜起火樹銀花月如水
自然顏色變韶稚況乃新粧露初洗春初艷粉秋初蓮
絳綃廣袂羅羣仙華清池畔嬌無力赤鳳樓中困未眠
後來更許誰相擬海棠欲睡薰穠李亦知等級且追陪
格外風流不相似一枝乞得歸茅屋窻裏銅餅窻外竹
不禁清絕意蕭然大似佳人依草木閨苑花無世上緣

收香還入四禪天明朝風雨催歸去花月重圓又一年
神情遠美膚粗惡涇渭由來兩清濁要求繪筆盡芳妍
更問尊前老文學

詠蠟梅

江梅已勝猶非似此外餘芳更堪數信知風格忌太高
至此從前難著語世間初無字可誇且隨顏色稱蠟花
醉人香味解禪定捩眼靜佇辭紛華徐熙畫花只畫神
黃筌細瑣皆逼真要須別花如別畫只恐此心難付人

席上和鄭顧道燭下海棠

日長花困眠初熟故向花前張

去聲

燈燭要教未敢脫羅

裳玉頰長紅黛長綠生憐杏花發中林無奈桃顚倚修竹
爭如錦帳照佳人一笑嫣然春意足獨疑工部不題詩
端為風流欠芬馥

題范子濟雙頭芍藥

煙粘草露珠結窠淮上人疑春未多揚州東部紛芍藥
已與天地分中和雙苞一色生同蒂不是花妖是和氣

恩霑雨露力偏饒來向人間自應貴欄邊鼓徹無奈何
欲留白日誰揮戈練緗聊記舊容質猶得勝士長吟哦
八姨不列真妃上大姨穩作昭儀樣無雙顏貌却成雙
背立無言似惆悵淮南通守別花眼曾向花前傾玉琰
左看右看俱可人欲選嬌娘倩誰東

戲咏醅醖示邑宰

芳洲繞郭溪如練中有風光共流轉方今得尹日添長
化作河陽一花縣獨龍注雨澆桑麻芳菲總不爭紛華

陽州地遠牡丹少
酴醾晚作留春花
君家朱樓映池沼
高架瓊瑤覆花島
欲求此花同一厄
試勸春歸無草草

題長興陳朝檜

蒼髯石根皴散膚
天矯枝幹中半枯
有如老人自離立
亭亭不用兒孫扶
六朝兵戈日相逼
晚向陳隋生道側
不知何計脫鋒鏑
三十六中居上策
臨春結綺迷仙處
晉王只用陳船渡
車書從此稍通津
無乃培根偶堅固
百年已長復百年
邑人說自魯高傳
即此兒孫作父祖

只應相對猶依然桃葉桃根即零落獨保長年應澹泊
老人果解復嬰兒分我一丸童子藥

聞鶯

堦前芳草一尺齊黃鸝始向林間啼一聞傳聲人失喜
驚馬並立逢馱馱我思此鳥固妍好人喜亦緣來不早
若令春到便輕遷厭聽誰憐迹如掃正恐貪歸有近期
三月麗景方舒遲園林上下弄晴晝羨汝語默真知時
禿鳩黑鳥有何惡每到天陰自酬酢婦翁詛罵兒彈射

恨不身隨羽翰落戒汝一物莫嘆嗟金衣公子春為家
汝無禍福咎亦淺況異子鵬當日斜人間美惡有如許
且放黃鸝作嬌語

鵲巢

今年結巢不近地門戶人言解知歲了知積累功力勞
投伴鴈鳩無此智閭里爭如惡少年不持彈射操空拳
探巢取子盡居室旁觀禁止無由緣父翔母噪力不加
小雛在手鳴楂楂羣兒不逞至若此增巢不得安生涯

漢家春夏禁採捕詔書非止行三輔可憐科罪掛牆壁
國家禁絕非不預鵲居熙熙太古民就令闕巢不用嗔
同遊飲啄不相害海上鷗飛不避人

大笑鳥

夜聞慨欬如老翁若悲若嘯空中老妻幼子疑問我
此名何物來何從我知此物不常有豈解招祥宜報咎
狐鳴鳥噪殆所傳惟祝停聲聲轉久明朝問人此何鳥
僧言此鳥名大笑幸災樂禍撼主人僥倖前知非善告

我聞此語益淒然我從坎壈今有年若徒報禍未報死
子之告我何遷延異時白骨滿城郭此時子笑何人前
昔年長沙賈太傅鵬鳥飛鳴告其故滔滔宇宙鵬安知
應怪達人任來去牕前靈鵲人樂聞谷鷖上下長和鳴
汝曾不效乃效此汝性險遠知難更汝其更笑我自娛
取酒與爾同歌呼

